



ADRODDIAD I'R IS-BWYLLGOR TRAFNIDIAETH STRATEGOL 13 Gorffennaf, 2026

TEITL: Archwiliad Cynllunio Trafnidiaeth Rhanbarthol

AWDUR: Adam Graham, Uwch Swyddog Trafnidiaeth

1. DIBEN YR ADRODDIAD

- 1.1. Hysbysu'r Aelodau am archwiliad o Gynllunio Trafnidiaeth Rhanbarthol yng Ngogledd Cymru a gynhaliwyd gan Archwilio Cymru ym mis Mai a mis Mehefin 2026.

2. Y PENDERFYNIAD A GEISIR

- 2.1. Dim penderfyniad. Gofynnir i'r aelodau nodi'r adroddiad.

3. CEFNDIR AC YSTYRIAETHAU PERTHNASOL

- 3.1. Cysylltodd Archwilio Cymru â Phrif Weithredwr Uchelgais Gogledd Cymru ynglŷn â'r cyfle i gynnal archwiliad o'r broses o gynllunio trafndiaeth ranbarthol yng Ngogledd Cymru, a fyddai'n ystyried datblygiad a chymeradwyaeth y Cynllun Trafnidiaeth Rhanbarthol (RTP), blaenoriaethu a chytuno ar raglen y Gronfa Drafnidiaeth Ranbarthol (RTF), a'r llywodraethu sy'n cefnogi'r prosesau hynny. Cynhaliwyd yr archwiliad ym misoedd Mai a Mehefin 2026.

4. AMCAN A SGÔP YR ARCHWILIAD

- 4.1. Amcan yr archwiliad oedd asesu a yw Cyd-bwyllgor Corfforedig y Gogledd wedi rhoi trefniadau effeithiol ar waith i gyflawni ei ddyletswyddau statudol i gynllunio trafndiaeth ranbarthol a darparu gwerth am arian. Roedd yn canolbwyntio ar p'un a yw ei drefniadau rheoli cynllunio, adnoddau a pherfformiad yn gweithredu'n unol â'r bwriad.
- 4.2. Ni wnaeth yr archwiliad ystyried prosiectau trafndiaeth unigol, darpariaeth gwasanaethau gweithredol, gwaith archwilio ariannol manwl, na swyddogaethau y Cyd-bwyllgor Corfforedig nad ydynt yn gysylltiedig.
- 4.3. Cynhaliwyd yr archwiliad dan adran 17 Deddf Archwilio Cyhoeddus (Cymru) 2004 (Deddf 2004) ac adran 15, Deddf Llesiant Cenedlaethau'r Dyfodol (Cymru) 2015.

5. CWESTIYNAU

- 5.1. Ystyriodd yr archwiliad y cwestiwn cyffredinol "A yw Cyd-bwyllgor Corfforedig y Gogledd wedi rhoi trefniadau priodol ar waith i gyflawni ei ddyletswyddau statudol i gynllunio trafndiaeth ranbarthol a darparu gwerth am arian?"
- 5.2. Roedd y cwestiynau manylach yn cynnwys:

- A yw'r Cyd-bwyllgor wedi diffinio'n glir ei gyfrifoldebau, ei amcanion a'i flaenoriaethau statudol ar gyfer cynllunio trafnidiaeth ranbarthol?
- A yw'r Cyd-bwyllgor wedi rhoi trefniadau cymesur ar waith i gynllunio, blaenoriaethu a darparu adnoddau ar gyfer gweithgarwch trafnidiaeth ranbarthol?
- Oes yna drefniadau cadarn i reoli'r modd y caiff rhaglenni eu cyflawni, i fonitro cynnydd ac i adrodd ar berfformiad yn erbyn yr amcanion y cytunwyd arnynt?

6. CASGLU DATA

- 6.1 Gofynnodd Archwilio Cymru am gyfres o ddogfennau i'w hadolygu, ac fe'u heliwyd ynghyd a'u rhannu gan swyddogion Uchelgais Gogledd Cymru.
- 6.2 Cynhaliwyd nifer o gyfweiliadau hefyd a oedd yn cynnwys:
- Cadeirydd yr Is-bwyllgor Trafnidiaeth Strategol
 - Prif Weithredwr Uchelgais Gogledd Cymru
 - Cyfarwyddwr Portffolio Uchelgais Gogledd Cymru
 - Swyddog Monitro Uchelgais Gogledd Cymru
 - Swyddog Adran 151
 - Uwch Swyddog Trafnidiaeth Uchelgais Gogledd Cymru
 - Yr ymgynghorydd a weithiodd ar y rhaglen RTP ac RTF
 - Arweinydd Cynllunio Strategol Uchelgais Gogledd Cymru
 - Cynrychiolydd o Drafnidiaeth Cymru

7. AMSERLENNI ADRODD

- 7.1 Disgwylir yr adroddiad cychwynnol gan Archwilio Cymru ddiwedd mis Mehefin neu ddechrau mis Gorffennaf. Yna, bydd Uchelgais Gogledd Cymru'n cael cyfle i adolygu'r adroddiad ac ymateb iddo ac i unrhyw argymhellion.
- 7.2 Nid oedd yr amserlenni hynny'n caniatáu i ni gynnwys ystyriaeth fanwl o'r adroddiad archwilio yn y papurau hyn ar gyfer yr Is-bwyllgor, ond y bwriad yw cyflwyno'r dadansoddiad a'r manylion hyn i gyfarfod yn y dyfodol.
- 7.3 Ar ôl ei gwblhau, bydd yr adroddiad archwilio ar gael i'r cyhoedd ar wefan Archwilio Cymru.

8. GOBLYGIADAU ARIANNOL

- 8.1. Nid oes unrhyw oblygiadau ariannol uniongyrchol sy'n deillio o'r adroddiad hwn.

9. GOBLYGIADAU CYFREITHIOL

- 9.1. Nid oes unrhyw oblygiadau cyfreithiol uniongyrchol sy'n deillio o'r adroddiad hwn.

ATODIADAU:

Amh.

YMATEB Y SWYDDOGION STATUDOL:

i. Swyddog Monitro:

“Mae'r adroddiad ar gyfer nodi ac yn rhoi diweddariad ar adolygiad Archwilio Cymru o drefniadau cynllunio trafndiaeth rhanbarthol y CBC. Gan nad oes unrhyw benderfyniad yn cael ei geisio ar hyn o bryd, nid oes unrhyw oblygiadau cyfreithiol cyfredol.

Unwaith y bydd adroddiad Archwilio Cymru wedi'i dderbyn a'i gwblhau, dylid ystyried unrhyw argymhellion neu gamau gwella drwy drefniadau llywodraethu priodol y CBC, gyda pherchnogaeth, amserlenni a llinellau adrodd clir. Dylid nodi unrhyw oblygiadau cyfansoddiadol, ariannol neu ran adnoddau sy'n deillio o ganfyddiadau'r archwiliad ar y cam hwnnw.”

ii. Swyddog Cyllid Statudol:

“Roedd yr archwiliad yma wedi ei gynnwys yng nghynllun archwilio perfformiad Archwilio Cymru a gyflwynwyd i'r Is-Bwyllgor Llywodraethu ac Archwilio ar 4 Mehefin 2026.”